

CONVENIO DE COLABORACIÓN ENTRE O IGAPE E A ENTIDADE COLABORADORA CÁMARA OFICIAL DE COMERCIO, INDUSTRIA E NAVEGACIÓN DE _____ PARA A XESTIÓN DE AXUDAS RELATIVAS AO PLAN FOEXGA 2016-2017

MEMORIA XUSTIFICATIVA

A Xerente da Oficina de Internacionalización do Instituto Galego de Promoción Económica (IGAPE)

DECLARA:

Que este Instituto ten previsto formalizar coas Cámaras Oficiais de Comercio, Industria e Navegación Galegas o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2017.

Que o Instituto Galego de Promoción Económica (Igape) acordou realizar unha selección de entidades colaboradoras para o Plan Foexga 2016-2017, estas entidades colaboradoras actuarán de ligazón entre o Igape e as empresas beneficiarias das axudas deste Plan.

Que o instrumento convencional ten por obxecto:

Definir os termos de colaboración para o desenvolvemento e execución do Plan de fomento das exportacións galegas – Foexga 2016-2017, regulado a través das bases reguladoras das axudas para o desenvolvemento do Plan Foexga 2016-2017, cofinanciado polo Fondo Europeo de Desenvolvemento Rexional, no marco do Programa Operativo Feder Galicia 2014-2020.

E definir as funcións e obrigas das cámaras que, como entidades colaboradoras, actuarán de ligazón entre o Igape e as empresas beneficiarias das axudas deste Plan.

As actuacións que engloban o Plan Foexga (misións directas e participación en eventos expositivos) están dirixidas a:

- Aumentar a base de empresas exportadoras.
- Fomentar e consolidar a presenza de empresas galegas nos mercados internacionais.
- Conseguir unha maior diversificación, tanto sectorial coma xeográfica das exportacións, incorporando novos mercados e produtos aos procesos de internacionalización das empresas galegas.
- Difundir a cultura da internacionalización como ferramenta de progreso e competitividade.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamentan no seguinte:

As Cámaras Oficiais de Comercio, Industria, Servizos e Navegación de Galicia, segundo o disposto no artigo 2 da Lei 5/2004, do 8 de xullo, son corporacións de dereito público, configurándose como órganos consultivos e de colaboración coas administracións públicas, especialmente coa Administración da Comunidade Autónoma de Galicia”. No seu artigo 3 se establece que as Cámaras, “ademais do exercicio das funcións de carácter público que lle atribúe a presente lei e das que lles poidan encomendar ou delegar as administracións públicas teñen como finalidade a representación, promoción e defensa dos intereses xerais do comercio, da industria e, no seu caso, a navegación. Así mesmo, terán como finalidade a prestación de servizos ás empresas que exerzan as indicadas actividades”.

A internacionalización do tecido empresarial galego ten sido e seguirá sendo un dos eixos prioritarios de actuación dentro da política económica da Xunta de Galicia de cara a mellorar a súa competitividade e acadar o crecemento económico. Unha aposta que se plasma na Estratexia da Xunta de Galicia de Internacionalización da Empresa Galega 2020 que inclúe entre os seus obxectivos o de lograr un significativo aumento na cantidade, calidade e impacto efectivo da internacionalización da empresa galega.

A Lei 5/1992, do 10 de xuño, de creación do Instituto Galego de Promoción Económica, establece no seu artigo 4 como funcións do Igape, entre outras, proporcionar información sobre os mercados e favorecer o desenvolvemento das exportacións e acordos con empresas estranxeiras.

O Igape é xestor de fondos Feder do marco regulamentario 1420 no seguinte encaixe: Obxectivo temático 03: Mellorar a competitividade das pemes. Prioridade de investimento 03.04: Apoio á capacidade das pemes para crecer nos mercados internacionais. Obxectivo específico 03.04.03: Promover a internacionalización das pemes. Campo de intervención: 066: servizos de axuda avanzados para pemes e grupos de pemes. Liña de actuación 15: promoción da cultura de internacionalización, presenza nos mercados exteriores, estratexia de posicionamento internacional de Galicia, aliñación coa axenda estratéxica Horizonte 2020 da UE.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela